

remedia adhibenda (75.) & (132. ad 137.),
aliter enim nil contra hanc speciem pro-
dest.

669. ut & (664.) curatio petenda ex
(124. ad 144.)

670. Illa autem, quae ex (665.) oritur,
ut plurium tollitur his, quae illi loco
applicata, deobstruere possint impactum
(124. ad 144.) & impetum avertere in a-
lia loca. Id sit humectando nares, caput,
faciem, os, collum, fomentis blandis;
applicando pedibus epispastica.

671. Debole cor raro, nisi lente, juva-
tur; generalia vero dicta (667. ad 671.)
prodeesse possunt.

672. Inde (660. ad 672.) nobis constat,
quam rarus sit Cardiacorum in acutis in-
tellectus; quam sit debilitas in febribus
malum saepe insuperabile.

C A L O R F E B R I L I S.

673. C alor febrilis thermoscopio exter-
nus, sensu aegri, & rubore urin-
iae internus cognoscitur.

674. Semper requirit majorem ignis co-
piam in illo loco, quem plus calefacit.

675. Quae ortum debet violentiori par-
tium fluidarum in se mutuo, in vasa, ho-
rum in illas attritui.

676. Illa violentia a magno motu partium ex corde, & magna resistentia vasorum contra cor, oritur.

677. Magnus motus ex corde pulsū sanguinis aestimatur a densitate liquidi pulsū, & velocitate ejus per vasa.

678. Densitas scitur ipso conspectu extravasati, dissipazione praegressa rarioris, duritie pulsus.

679. Velocitas supputatur ex ictuum cordis numero, collato cum magnitudine pulsuum.

680. Magna resistentia cognoscitur ex mole movendorum inertium, & paucitate, vel angustia, vel immobilitate canalium transmissororum.

681. Moles movendorum ingens percipitur ex signis plethorae (106.), cacochymiae, vel solutorum jam cito liquidorum, quae antea stagnabant; ut in obesis: maxime inflatus venarum cum arteria veloce & magna simul ejus praeſentiam docet.

682. Vasorum paucitas ex historia obstructionis (107. ad 124.), vel vulnerum (145. ad 331.), colligitur.

683. Angustia vasorum intelligitur conspectu tactu, cognita temperie sicca, ad parva motus augmenta magno augmentatione caloris.

684 Immobilitas canalium, qua suae dia-

la

latationi valde resistunt, cognoscitur omni signo rigidarum fibrarum, vasorum, viscerum (32. 33. 34. 50. 51. 52. 53.).

685. A tot causis proximis (674. ad 685.) pendet origo caloris febrilis; quarum item infinitae numero & varietate aliae remotiores esse possunt.

686. Potest vero increscere ex incremento unius harum causarum solitario, tuncque se habet augmentum caloris, ut augmentum causae.

687. Si rursum duae causae increscunt simul, habebit se auctus calor, ut productum incrementorum causarum, si multiplicentur per se mutuo.

688. Qui idem calculus in caeteris obtinere potest.

689. Calor auctus liquidissima dissipat ex nostro cruento, id est aquam, spiritus, sales, olea subtilissima; reliquam massam siccatur, densatur, concrescere cogit in immeabilem, irresolubilem materiem; sales, oleaque expedit, attenuat, acriora reddit, exhalat, movet; hinc minima vasa atterit, rumpit; fibras siccatur, rigidas, contractaque reddit; hinc subito multos, celeres, periculosos, lethales morbos producit; qui a priori facile deduci possunt.

690. Ex his demum intelligi bene potest, quid requiratur ad mitigandum calorem, &

quam varia eo remedia spectent.

691. Si sola velocitas aucta calorem facit, remedio erit quidquid eam minuit. Quies muscularis, et animi, missio sanguinis; levis brevisque compressio venarum in artibus, frigidorum lenta & blanda applicatio interna atque externa, diacodiata prudenter assumta, primaria.

692. Si a densitate (678.), curatur iis, quae velocitatem minuunt (691.); tum aquae potu; & oxymelle; iisque, quae vasa laxant.

693. Moles movendorum in plethora facile superatur (106. §.); in cacochymia lente, & per vices evacuando, corrigoendo; in solutis pinguibus, prius stagnantibus, maxima difficultas: tum aquosa, acida, mellita, vitelli ovorum, saccharina summi usus sunt, una cum evacuantibus assiduo usurpati.

694. Obstructio calorem pariens (682.) ex curatione obstructionis (125. ad 144.) & ablatis vasis in vulnere supervenientium malorum sanatione, intelligitur.

695. Ab angustia vasorum si pendet (683.), requiritur horum dilatatio per laxantia (54.).

696. Quibus iisdem (54.) tollitur calor ex nimia vasorum rigiditate ortus.

697. Quoties autem excessus caloris ex

cont.

combinatis oritur causis, toties remedia, hucusque descripta, (690. ad 697.) combinata inter se valebunt.

698. Extota hac doctrina Caloris (673. ad 698.) intelligi potest, cur febris calidissima sit acuta, celeris, putrida; & in calore summo pestifera? Cur lecti, aeris clausi, victus, medicamentorum calor adeo his noceant? Cur aestus circa eor, & hypochondria, tam malus? Calor putrefacit, putredo facta ex se non calefacit.

699. Quin ex eadem perspicitur origo, natura, efficacia siccitatis; & curatio inde dirigitur, quae potu, fotu, balneo, clysmate, gargarismate, ex aquosis, subacidis, mellitis, laxantibus fit.

DELIRIUM FEBRILE.

700. **D**elirium est idearum ortus non respondens externis causis, sed internae cerebri dispositioni, una cum iudicio ex his sequente, & animi affectu, motuque corporis inde sequente: atque his quidem per gradus auctis, solitariis, vel combinatis, varia deliriorum genera fiunt.

701. Ponit ergo semper cerebri medullosi affectionem morbosam; quae ab obstructione quacunque; impedito iusfluxu, transfluxu, effluxu per cerebrum; vio-

K 5 len-